



Bosnia and Herzegovina
Federation of Bosnia and Herzegovina
CANTON SARAJEVO
Ministry of Culture and Sports

Broj: 12/04-11-45602-1-8/25
Sarajevo, 06.03.2026. godine

Na osnovu čl. 70. i 71. Zakona o javnim nabavkama („Službeni glasnik BiH”, br. 39/14, 59/22 i 50/24) i člana 16. stav (1) Pravilnika o javnim nabavkama u Ministarstvu kulture i sporta „Službene novine Kantona Sarajevo“, broj 30/24), na osnovu preporuke Komisije za provođenje javne nabavke audio-vizuelne opreme i elektronske rasvjete za pozorišta, donosim

ODLUKU

o izboru najpovoljnijeg ponuđača u otvorenom postupku javne nabavke audio-vizuelne opreme i elektronske rasvjete za pozorišta

Član 1.

Kao najpovoljniji ponuđač u otvorenom postupku javne nabavke za nabavku audio-vizuelne opreme i elektronske rasvjete za pozorišta, objavljenom na portalu javnih nabavki pod brojem obavještenja 23091-1-1-16-3-2/25, izabran je ponuđač: Audio Video Consulting d.o.o. Sarajevo sa ukupnom cijenom ponude u iznosu od 849.925,00 KM bez PDV-a.

Član 2.

Ugovorni organ će sa izabranim ponuđačem zaključiti ugovor o javnoj nabavci nakon isteka roka za žalbu, u skladu sa članom 72. Zakon o javnim nabavkama („Službeni glasnik BiH”, br. 39/14, 59/22 i 50/24).

Član 3.

U roku od 3 dana, a najkasnije u roku od 7 dana od dana donošenja ove Odluke, ista će se dostaviti ponuđačima i time ih obavijestiti o rezultatima postupka.

Obrazloženje

Ministarstvo kulture i sporta Kantona Sarajevo je pokrenuo otvoreni postupak javne nabavke za nabavku Audio-vizuelne opreme i elektronske rasvjete za pozorišta, objavom obavještenja o nabavci na portalu javnih nabavki, broj: 23091-1-1-16-3-2/25.

U ostavljenom roku za dostavljanje ponuda zaprimljene su sljedeće ponude:

1. Konzorcij: Interactive d.o.o. Podgorica i Smart AV d.o.o. Zagreb
2. Audio Video Consulting d.o.o. Sarajevo.

Komisije za provođenje javne nabavke audio-vizuelne opreme i elektronske rasvjete za pozorišta (u daljem tekstu: Komisija), imenovana rješenjem ministar kulture i sporta, izvršila je javno otvaranje ponuda dana 02.02.2026. godine, o čemu je sačinjen Zapisnik o otvaranju ponuda.



Nakon otvaranja ponuda, Komisija je izvršila detaljan pregled i ocjenu zaprimljenih ponuda, u skladu sa uslovima iz tenderske dokumentacije i odredbama Zakona o javnim nabavkama te je sačinila Zapisnik o pregledu i ocjeni ponuda, broj: 12/04-11-45602-1-7/25 od 26.02.2026. godine.

Pregledom i ocjenom ponuda Komisija je utvrdila sljedeće:

Ponuda ponuđača Audio Video Consulting d.o.o. Sarajevo ispunjava sve kvalifikacione, tehničke i formalno-pravne uslove propisane tenderskom dokumentacijom te je ocijenjena kao prihvatljiva ponuda.

Ukupna cijena ponude iznosi 849.925,00 KM bez PDV-a, a kriterij za dodjelu ugovora utvrđen tenderskom dokumentacijom bio je „najniža cijena“.

Ponuda ponuđača Konzorcij: Interactive d.o.o. Podgorica i Smart AV d.o.o. Zagreb nije ocijenjena kao prihvatljiva, iz razloga što imenovani Ponuđač nije dostavio obrazac povjerljivih informacija (Aneks 3), izjavu o sukobu interesa u skladu sa članom 52. Zakona (Aneks 4), izjavu iz člana 45. Zakona o javnim nabavkama u traženoj formi, kao ni izvod iz sudskog registra u formi originala ili ovjerene kopije kao ni potvrdu poslodavca kojom se dokazuje da imenovano stručno osoblje posjeduje minimalno pet godina radnog iskustva nakon položenog stručnog ispita što nije u skladu sa zahtjevima iz tenderske dokumentacije. Iz tog razloga, Komisija je navedenu ponudu ocijenila kao nepravilnu / neprihvatljivu, u skladu sa odredbama Zakona o javnim nabavkama.

Tenderskom dokumentacijom bila je predviđena mogućnost provođenja e-aukcije, u skladu sa Pravilnik o uslovima i načinu korištenja e-aukcije („Službeni glasnik BiH“, broj 80/23).

Međutim, e-aukcija nije provedena iz razloga što je nakon pregleda i ocjene ponuda samo jedna ponuda ocijenjena kao prihvatljiva, zbog čega nisu bili ispunjeni uslovi za provođenje e-aukcije.

Komisija za javne nabavke je, na osnovu izvršenog pregleda i ocjene ponuda, dala preporuku ministru kulture i sporta Kantona Sarajevo odnosno ugovornom organu da se ugovor dodijeli ponuđaču Audio Video Consulting d.o.o. Sarajevo, čija je ponuda ocijenjena kao prihvatljiva i najpovoljnija u skladu sa kriterijem za dodjelu ugovora.

Uzimajući u obzir navedeno, ugovorni organ je prihvatio preporuku Komisije i odlučio kao u dispozitivu ove odluke.

Pravna pouka: Protiv ove odluke može se izjaviti žalba ugovornom organu u roku od 10 (deset) dana od dana prijema odluke, u skladu sa odredbama člana 99. i 101. Zakon o javnim nabavkama Bosne i Hercegovine.

Prilog:

Zapisnik o ocjeni ponuda broj: 12/04-11-45602-1-7/25 od 26.02.2026. godine



Dostaviti:

- Ponuđačima, 2x;
- Komisiji za provođenje javne nabavke audio-vizuelne opreme i elektronske rasvjete za pozorišta;
- a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-062, Fax: + 387 (0) 33 562-062
Web: <http://mks.ks.gov.ba>, E-mail: mks@mks.ks.gov.ba